



**Kamis 22 Desember 2022**

**Yesaya 49:15; 66:13**



**Nande**



Tanggal 22 Desember siperingati selaku "hari ibu" man kerina nande, belang-belang Indonesi enda. Benana enda jadi erkiteken piga-piga organisasi diberu i wialah Jawa, ras Sumatra pulung i Jogjakarta, tepatna tanggal 22-25 Desember 1928. Enda igelari kongres perempuan Indonesia I. Tujunna e me kap mpersada perukuren lako mpekena nasib diberu diberu i indonesia enda. Ikut erjuang lako kemerdekaan Indinesia. I bas Kongres perempuan Indonesia si peduaken, ibentuk me BPBH (Badan Pemberantasan Buta Huruf) ras nulak perbahanen si la mehuli man kerina diberu si jadi kariawan paksa si e. E maka i bas kongres perempuan Indonesia sipeteluken itetapkan maka tanggal 22 Deseber 1953 e jadi "Hari Ibu" i tengah-tengah bangsanta. Si enda itetapkan gelah bangsanta tetap nginget perjuangan diberu i bas nampati negara enda gelah merdeka, perjuangenna meneken buta huruf khususna man diberu, perjuangenna mperdiateken gizi nande ras anak si kecibalna i bas ekonomi sulit. Arah sejarah 'Hari Ibu' enda si idah maka nande e tuhu-tuhu mbelin ngaruhna i tengah-tengah bangsa, ras keluarga. Si ibahan nande e palasna kerina e me keleng ate. Keleng atena keluarganya; anak-anak ras perbulangenna, keleng atena sekelewetna, keleng atena bangsana. Perjuangan nande e arusna iterusken kerina diberu i negara enda. Nande si erjuang, nande si megegeh ras paguh.

Dibata pe erbahan perbandingan ras nande kerna ateNa keleng man bangsaNa. Nina Tuhan, banci kin nande ngelupaken anakna? Banci kin la keleng atena nandangi anak si ipupusna? I bas pengidah Tuhan sekalak nande la pernah ngelupaken anak-anakna, i ja pa pe ia lalap anak e kira-kiranna. Nina Tuhan umpama lit gia nande ngelupaken anakna, Aku la pernah kam Ku lupaken.

*Keleng ate Tuhan la pernah lesap*



Blank writing area with a wavy top edge.